

Austrum est mons Stymphalus, ad Septentrionem Sinus Corinthiacus. Urbes *Dyme* quæ nunc *Chiarenza*, unde *Promont.* *Araxeum* vocant *Capo di chiarenza*: *Olemus*: *Patra* urbs insignis olim, nunc *Patras* dicitur: *Egium* urbs recentioribus temporibus *Vostiza* vel *Bostizan*, dicta, & a Turcis excisa. *Egira* urbs quondam primaria in colle aspero atque difficili posita, quæ nunc diruta jacet & *Xilocastro* dicitur. Et in *Crissæo* Sinu *Helice*, *Bura*, *Pellene*, *Sicyonia* inter *Achaia* & *Asopum* sita: primaria eius urbs *Sicyon*, omnium Græcarum urbium vetustissima, & tempore *Abrahæ* condita, Templis, aris, statuis, simulacris plenissima. Fuit & *Phlius*, quæ forte ea est quam hodie vocant *Vasilicon*. Superest *Arcadia* regio *Peloponnesi* mediterranea, undique a mari remota. Huius urbs *Megalopolis*, patria *Polybij* gravissimi ac sapientissimi Scriptoris. Hodie *Leontari* dicitur, *Stymphalus*, unde *Stymphalis* palus, & aves *Stymphalides*, *Lilea*, *Mantineia*, *Psophis*. Civitates autem totius *Peloponnesi* nobilissimas, quasi compendio complexus est *Ovid.* lib. vi. *Metamorph.*

*Finitimi Proceres coeunt urbemque propinqua.*

*Oravere suos ire ad solatia reges:*

*Argosque & Sparte, Pelopeiadesque Mycena,*

*Et nondum torva Calydon invisa Diana,*

*Orchomenosque ferax, & nobilis ære Corinthus,*

*Messeneque ferox, Patriaque humilesque Cleora,*

*Et Melea Pylos, nec adhuc Pytheia Træsen,*

*Quaque urbes alia bimari clauduntur ab Isthmo.*

Amnes celebriores sunt *Asopus*, nunc *Arbon* *Theveto*; *Pineius*, nunc *Nigro* & *Theveto* *Ighaco*: *Alpheus*, qui *Flumina*. adcolis *Rophea* dicitur, ut *Sophiano* placet, & secundum *Nigrum Orphea*: *Italis* vero nautis *Carbon*: atque huic fluvio ceteri amnes inlabuntur: & albas maculas ac impetiginem sanat. *Panissus*, *Stromio* nunc *Nigro*: sed *Piræa* in *Tabulis Castaldi* & *Mercatoris*, totius *Peloponnesi* fl. maximus. Huius aquæ puerorum & infantium morbis mederi dicuntur. *Eurotas*, hodie *Basilopotamo* *Sophiano* & alijs, sed *Iris* *Nigro*: cuius ripæ *Lau-ro* abundant: & *Inachus*, qui *Planizza* hodie est *Sophiano* & alijs. Reliquos prætereo. Montes *Stymphalus* Mons *Montes*. *Arcadiæ* altissimus, qui *Dominico* *Nigro* *Poglici* dicitur. *Phloe*, *Xiria* *Nigro*. *Cyllenius*, *Melæ*, *Cyllene* *Strab.* totius *Arcadiæ* altissimus. *Manalius*, *Manalius* *Melæ*, *Cronium* *Ptol.* *Grevenos*, *Nigro* *Zarex*, *Gemistus* *Zaraca* vocat. *Minthe* *Ptol.* & *Strab.* *Olon* vocatur *Nigro*. *Evan* videtur apud *Pausaniam* dici, ab *Evoe* *Bacchantium* voce: quod hoc loco *Bacchus*, & quæ eum sequebantur mulieres, sic exclamasse credantur. *Taygetus* *Plinio*, *Pausaniæ*, *Vibio* & *Steph.* *Peloponnesi* mons in *Laconica*, *Eurotæ* flumini vicinus. In huius summitate existentibus, prospectus patet per omnem *Peninsulam*, ut nulla celebris visum effugiat *Civitas*. Hic Mons varias *Feras* nutrit, consecratus *Baccho*, *Apollini*, *Dianæ*, *Cereri*. In *Morea* *Episcopi* iuxta *Provinciale Romanum*, hi: *Archiep.* *Corinthiensis*, sub quo *Argivensis*. *Arch.* *Patracensis*, sub quo *Coloniensis*, *Mothonensis*, *Coronensis*, *Amyclensis*, *Androviensis*.